



Arubaanse Courant

ANJA 25

DIAHUEBS 13 FEBRUARI 1964

No. 4963

CRITICA Ariba PRIVILEGIONAN HABITANTENAN CASNAN BALASHI EILANDSRAAD TA DUNA DEPUTADO DESPENZA

ORANJESTAD, 12 Feb. - Diahuebs siman pasa Eilandsraad a tene un reunion publico caminda tabata falta e miembronan, senjora M. Yrausquin y senjornan M. de Cuba y Lai Chance di PPA. Dentro di un ora henter e agenda cual tabata consisti di diez un punto a worde trata. E unico puntonan cu a trese e lenganan den movicion tabata esun di huur di e casanan di gobierno na Balashi y e peticion di dispensacion di diputado G.A. Oduber. Tur e proposicionan di B.C. a worde acepta. Unicamente tocante dispensacion a worde vota.

Despues cu na tratamiento di e peticion di senjor W.C. Anslijn (PPA) pa pronto pone un telefon publico na Ponton y senjor L.V. Britten (AVP) a worde priminti cu su keho di e servicio pocopoco di e Telefoon Dienst na cuestionan di reparacion lo worde investiga, e cuestion di huurnan na Balashi a worde trata. Den un carta di B.C. na Raad a worde informa cu cinco huurdo di casnan di gobierno, di cual cuater na Balashi y un na San Nicolas, keda sin worde cobra entre anja 1957 y 1960 un total di un suma di fl. 2.717,40. Como cu e huur di e casnan aki ta worde kit directamente for di e salariodje e ambtenaarnan aki cu ta biba den e casnan a dura basta tempo promer cu e worde descubri. Segun B.C. e hurrdonan aki a trata completamente di buena fe. E proposicion awor di B.C. pa elimina e debe aki a hanja poco critica y algun pregunta di senjornan Jose Geerman (PPA) E. Finck (PPA), A. Werleman (UNA), y C.A. Eman (AVP).

Senjor Geerman a bisa cu e ta comprende cu den e casnan aki ta biba ambtenaarnan y obreronan cu privilegionan special pa hendenan special manera coriente special, awa huur di cas, transportacion pa muchanan y un premio special ariba un salario, asina cu nan no tin nodi di paga casi nada pa e servicio aki. Tal situacion senjor Geerman a caracteriza cu no ta pas. Tocante di esaki el a papia di un "aumento di salario indirecto. Esaki ta crea un relacion malo cu empleadonan den otro servicio di gobierno. Pesel segun orador e privelegionan aki tin di worde kita un pa uno.

Senjor Finck tampoco a hanja cu ta bon cu un trahador na Balashi tin di paga su electricidad y e otro no. Segun su opinion cada uno tin di paga e mes un tarifa. Senjor Werleman tabata kler sabi si otro ambtenaarnan den otro servicio tambe tin tal reglamentonan special. El a haci un suplica pa pone meternan di coriente na e casnan na Balashi, asina cu e uso por worde controla. Tambe e senjor Eman a haci algun pregunta skerpi tocante di e situacion aki.

Senjor diputado F.J. Tromp a splica tocante di esaki cu e reglamentonan special aki ta un "pago" di gobierno pa e echo cu e emple-

adonan envolvi di W.E.B. mester biba den e casnan ey y alavez mester keda desponibel di dia y anochi pa si acaso por tin un estorbo den fabrica el a reconoce cu ta un aumento indirecto di salario, pero cu a worde funda como un compensacion pa e servicionan haci. Cu na e casnan mencionan na Balashi no tin meternan, ta pa motibo di e echo cu G.O.B. un empresa di gobierno no por entrega corriente na particuliernan. Pero e casnan ta conecta ariba e cadena di empresa como casnan di e empresa. Cu e cobranza di B.C. ta asina abao ta pasobra e pres di electricidad ta abao. Senjor Werleman a worde contesta cu na otro servicionan no ta existi tal privilegionan. Den e di dos rond senjor Werleman a haci e pregunta cuantobla ha den e dos anjanan cu a pasa WEB a hanja reclamo di estorbo anochi. Bayendo ariba e marca di senjor Tromp cu electricidad ta worde produci asina barata, senjor Geerman a duna di conoce, cu esaki un biaha mas ta prueba cu ta mas cu tempo a bolbe papia cu ELMAR pa cambia e tarivanan actual di electricidad. Tambe senjor Finck no tabata satisfecho ainda cu e contesta di senjor Tromp. E tabata di acuerdo cu e hurrdonan di Balashi ta hanja un recompensa como cu nan mester ta desponibel tur momento pa ora di estorbo den fabrica. Pero pa cual motibo e habitante di e Monseigneur Nieuwindtstraat ta hanja tal recompensa? Tambe senjor Finck tabata di opinion cu gobierno mester por controla cuanto coriente e hurrdonan na Balashi ta gasta. Pasobra segun ta worde conta, tin algun di nan cu tin nada menos cu tres aircondaition den cas como cu nan no tin mester di paga casi nada. Como cu e ta considera e cobranza awor e fl. 2717 imoral y probablemente tambe no ta basa ariba ley senjor Eman a declara cu su fraccion ta pro pa elimina esaki.

Den di dos rond diputado Tromp a declara cu enberdad algo di tin di worde haci cu e tarivanan di ELMAR. Pero nos ta cadena na condision di concessie y mester warda ariba Gobernador. E prijs pa cual e empresa di gobierno ta entrega coriente na e compania menciona ta algo di entre dos y tres cent pa kilowat. Senjor Finck a pidi tambe un intermediacion

den e situacion cu ta emperorando ariba careteranan di Aruba. Tambe pa actuacion contra di tiramento di sushi contra di camladanan. Gezaghebber O.S. Henriquez a contesta ariba esakinan y a bisa cu e aumentacion di inseguridad ariba careteranan di Aruba no ta na promer lugar pa motibu di e poco cupollsnan pero cu mihor metodo pa trata e caso aki ta actuacion mas severo di polis contra di esnan cu ta sinta tras di wiel bow di influencia di alcohol. E tiramento di sushi ta algo cu ta indigna B.C. tambe. Perota difcil pa hanja esnan cu ta tira sushi contra di caminda como cu nan

FATUM Tel. 1845
pa tur bo aseguronan

ta haci na scondi. E sushiedadnan ta worde kita tanto posibel door di Werkverschaffing y polis ta trata di atrapa e malechoran aki.

E peticion di diputado Oduber pa dispensacion pa motibo di e echo cu e ta director di un compania di construccion cu ta tuma parti den destajo publico di trabaoan cu tin di worde haci door

di gobierno a hanja masha hopi critica di e fraccion di AVP cu a bolbe muestra cu nan ta contra di tal dispensacion mesco cu na tempo di un otro diputado den caso similar. Tambe senjor Anslijn (PPA) a vota contra. Na votamento e peticion a worde acepta cu 10 na favor y 7 contra.

HUMA UN CIGARIA
VERDADERO
HUMA UN
CAMEL



FAVORITO DI ARUBA



Dialuna mainta Gezaghebber O.S. Henriquez di Aruba y diputado F.J. (Jossy) Tromp sali pa un biaha largo di servicio. Esaki lo hiba nan pa Estados Unidos, Israel y Hulanda. E deliberacionnan cu lo worde teni den e paisnan aki tin relacion cu e desaroyo economico di Aruba. E fecha di nan yegada back na Aruba no ta conoci ainda.

Entrenamiento boticarionan estranhero pa facultad antillano den estudio

Segun un contesta di gobierno na Staten en cuestion cu e resultado temporario di e college en relacion cu e presupuesto di Land 1964. Gobierno ta studiando si no ta posibel pa duna boticarionan cu diploma no Hulandes ocasion pa sin embargo hanja un facultad na Antillas. Tal medida a bira necesario door di falta di interes di boticarionan Hulandes pa bin traha na Antillas.

Gobierno ta scirbi Staten tocante di e asunto aki lo siguiente: Na inspeccion farmaceutico en relacion cu e ocupacion di boticanan a resulta cu e periodo di tres luna di observacion, cual cada biaha ta worde extencia cu tres luna pa un maximo di un periodo di un anja, a duna motibo pa constata e siguiente echanan.

E situacionan di trabao, na unda e boticario no tin bastante autoridat y cu ta worde considera door di e donjonan di botica como un empleado subalterno, no ta haci e trahamentu den un boticario atractivo. Ni tampoco pa e yiu di terra cu a caba su estudio den e ramo aki. Y door di e circunsuncianan aki e cantidad di bursalnan cu ta caba nan estudio di e enseyanza largo y di-

ficil aki no ta bastante pa yena e vacio, especialmente ariba corto termino.

Tin di worde bisa tambe cu esfuertonan pa percura pa e vacaturenan aki ta ocupa regularmente ta worde haci laat. Na e momento ta den e estudio e deseo si fuera di e diploma hulandes di boticario, e entrenamiento di otro paisnan combina cu tres anja di experiencia den e pais di estudio pa extranheronan y un anja na Antillas bao di supervision pa Hulandesnan, y alavez un examen theoretico y practico aki, lo por worde considera adecuado pa hanja e autoridat pa traha como boticario na Antillas. E reserva aki e ora lo ta probablemente mas grandi cu e oferta di enteresadonan for di Hulanda u kizas tumando e duracion mas cortico di e estudio aki stimula yunan di tera pa sigui tal estudio.

Ya cu den pasado tabata tin menos dificultad cu e administracion tabata door di e mal interpretacion di e ley, door di cual e vacatura a resulta e customer cu un boticario por administrar dos boticario via di instrui y transcribi y asina cada biaha administra un anja pa su mes. E ultimo aki ta contra di ley.

Awor cu e inspeccion di boticanan a worde intensiva, e echanan aki a bin na cla y ta worde controla awor estrictamente.

E posibilidad pa duna entrenamiento na boticarionan na Antillas a worde studia, pero a worde realiza cu esaki no por worde organisa cu responsabilidad academico, sino cu ta cu gasonan sumamente halto.

Ballet clasico di Paris ta bini Aruba na Juli

Oranjestad, 11 Februari
Dialuna atardi a tuma
lugar na kantoer di di-
rector di H.B.U. na A-
ruba, senjor J.F. Lanz,
e firmamento di un con-
tract entre Arubaanse
Kunstkring cu e impre-
sario Argentino Nino
Lugara pa dos presenta-
cion di e ballet clasico
di Paris di Milora Mis-
kovitch den e promer
siman di juli. E con-
tract a worde firma door
di senjor Lanz como
secretario di Arubaanse
Kunstkring.

Den e ballet aki den cual Irene
Lidova tin e gja artistico senjor
Miskovitch claramente ta ehoim-
ber "grandi", e ballarin rond
di cual henter e presentacion ta
basa. Loke no ta nifica cu e
grupo di binti dos persona cu na
luna di juli ta bin Aruba, no tin
otro ballarinan di fama. Den
e grupo tin por ehemplo Janine
Monin, Ethery Pagava, Michel
Nunez, Milenko Banovich y Ra-
mon Slole. E grupo cu ya tabatin
masha hooi exito cu nan tour-
neenan door di Europa y Azia,
lo cuminsa cu su tournee door
di Amerika Latino na luna di
april. E premier pa e continente
lo tuma lugar dia trinta di april
na Rio de Janeiro. Despues ta

sigui, Uruguay, Argentina, Chile,
Peru, Ecuador, Colombia, Ve-
nezuela, Corsow, Aruba, Pana-
ma, Mexico. Loke ta trata di
Corsow segun nos a compronde
e deliberacionnan di antayera
no a yega na un bon fin ainda.

E grupo di ballet aki cu ta
trece unicamente numeronan cla-
sico durante nan presentacion tin
ariba programa: 1. Suite Lyrique,
2. Le Cid di Massenet, 3. Heros

et Miroir van Kelen en Senor
de Manara di Tschalkowski. Den
stadion nan kler presenta: Wil-
helm Tell di Rossini, Ce soir
di Guy Barnard, le Combat di
Banfield y Images Musicales di
Blareau.

E grupo ta trece propio stage
y regisor. E carga cu nan ta
trece ta pisa total diez dos ton.

Productionon chemico di Aruba pa Surnam?

Oranjestad, 13 Febr. - Mientras
cu aki na Aruba casi nada no a
worde informa na prensa of na
pueblo di e resultado di deli-
beracionnan di ministro E.O. Pe-
tronla Gezaghebber O.S. Henri-
quez y deputado F.J. Tromp ta-
batin ultimamente cu autoridat-
nan na Paramaribo, un diario
surnameo "De Ware Tijd" di
dia tres ultimo si tabata esun
cu a lamta e capa cu cual e
asunto aki ta worde teni na se-
creto. E diario aki a scribi lo
siguiente: E deliberacionnan ta-
bata basa ariba e combenlo en
principio cu tur dos e partinan
di Reinado a haci na anja 1962
ariba e tereno aki. Antillas na
e momento tin su bista especial-
mente dirigi ariba e exporta-
cion di su productionon di e fa-
brica "cual a worde construi
na Aruba. Nan ta spera di mas
despues hanja un lugar pa unda
exporta nan productionon pa Sur-
alco su fabrica di aluin. Pronto
tambe lo worde papia ariba e
cooperacion cu Antillas lo duna
na e trahamento di casnan pa
pueblo na Surnam.

Segun nos opinion e periodista
Surnameo no ta exactamente cor-
recto. E industrianan chemico
cu na e momento tin na Barca-
dera pues no ta produci ningun
producto basico cu por worde usa
den un fabrica di aluin. Pero si
ta asina cu den fabricanan di aluin
un gran cantidad di caustic soda
ta worde usa, y tumando e plan-
nan cu ya ta existiendo basta
tempo pa construi un fabrica di
soda (caustic) na Balashi, segun
nos ta comprende cu e motibo
pakiko senjornan Petronla, Hen-



riquez y Tromp a bai Surnam
ta pa e entre otro orienta nan
mes tocante di e posibilidad pa en
futuro exporta Caustic soda di
Aruba pa Suralco.

YUDANZA TECNICA DI NACIONAN UNI

Oranjestad, 13 Febr. - En co-
necion cu yudanza tecnico di
Nacionnan Uni a yega ultima-
mente Antillas Ir. Victor Sal-
kind (Israel) y Dr. J. F.J. Gotz
(Austria). E caballeronan tin gran
experencia y ta experto ariba
e terno di uso di awa di la-
mar, respectivamente energia e
lectrico. Nan lo keda algun luna
na Antillas y coopera estrecha-
mente cu autoridatnan relacio-
na den consehonan tocante di
produccion di awa y energia di

*Familiares di emple-
adonan Mericano na
Cyprus a hanja e con-
seho pa bandona e
isla aki en bista di
e situacion tenso ac-
tual. Hopi a tuma e
conseho aki y nan a
sali cu avion pa Li-
banon. Aki por mira
nan jegada riba e ae-
ropuerto di Libanon.*

Antillas, esaki segun e techni-
canan y posibelidadnan di mas
moderno. Fuera di esey atencion
lo worde duna especialmente na
planning ariba termino largo di
e politica di awa y energia.

N A

La Linda

semper tin un
existencia
grandi di:

**BISTIR
PA
DAMAS**

- precioso
- elegante
- atractiva
- ultimo estilo



na prijsnan masha masha
favorable, pa un y tur!!!!

TA BUSCA

Sirvienta pa trabou di
cas. Pa mainta, merdia
of pa henter dia. Pa
keda drumi.

Acudi na adres: Adriaan
Laclé Blvd. 4, entre
12 - 2 or.

TA BUSCA PA HUUR

UN CAS (no-meublá) cu
tres dormitorios den
vecindario di

Oranjestad-Noord of
Sta. Cruz Prijs di huur
max. f. 150,--

Pa inf; Jama tel.
1116/2116

E cas ta bliendo cla, y ta
duna un bunita bista.....



gracias na e staf di techni-
conan cu ta duna bo tur in-
formacion pa planea bo cas,
renovacion of reconstrucion
na un prijs masha razonable.

PETRONA & CROES

Presentacion di pelicula A.N.V.

Oranjestad, 13 Febr. - Awe
Algemeen Nederlands Verbond
lo presenta un pelicula di mu-
cha den Club Surnam na San
Nicolas. E presentacion ta cu-
minsa pa seis or y mei e peli-
cula "Het monster van High-
gate Ponds".

Den e capital di Sur
Vietnam diferente a-
tentad di bom a tu-
ma lugar. Aki por mi-
ra e danjo cu un bom
a causa den un bar
caminda cinco mili-
tar Vieynames y seis
Mericano a perde nan
bida.



C.C.C.A. a entrega premionan na participantenan carnaval

ORANJESTAD, 13 Feb. - Diamars anochi a tuma lugar na Aruba Caribbean Hotel-Casino entregamento di premionan na participantenan cu a destaca nan mes den un forma of otro den e ultimo carnaval cual awor ta tras di lomba. E entregamento di premio a tuma lugar durante un cocktailparty, na unda tabata presente Reinanan di club, Missnan, representantenan di esakinan, representantenan di steelbandnan y di gruponan cu a tuma parti den parada cu flota of cu participantenan na pia.

E entregamento di premio a worde efectua personalmente pa e presidente di Comité Central di Carnaval 1964, señor Milo Croes, asisti pa e miembronan di comité, srta. Joan Peterson y sr. Geechi Pieters.

E Reina di carnaval di Aruba 1964, srta. Lydia Henriquez di Club Caribe a ricibi en total e siguiente premionan:

Un auto Fiat di CCC, (ariba anochi di su coronacion)
Dos ticket ida y vuelta pa Colombia di La Esperanza,
Un kapstel di Spritzer & Fuhrman,
Un camera di Oduber en Kan,
Un holoshi di Pearl of the Orient,
Un orquidea di Bloemenhuis Rozenoord,
Un studio foto di "Foto Bonke",
Un buki di banco cu cien florin di Caribbean Mercantile Bank,
Un set completo di make up y un servicio gratis di Maggys Beauty shop.

E runner-up di Reina di Carnaval e anja aki, srta. Helen Henriquez a ricibi:

Un kapstel di CCC,
Un camera di NEME,

Un set di joyas di Pearl of the Orient.

E otro seis candidatanan cu a competi pa e titulo di Reina di Carnaval tambe a ricibi regalo den forma di:

Un kastel di CCC,
Un camera di NEME.

Miss Aruba 1964 (Miss Esso), srta. Regina Croes a ricibi e siguiente premionan:

Dos ticket ida y vuelta pa Puerto Rico di Aldo Travel Bureau,
Dos ticket ida y vuelta pa Colombia di La Esperanza.

Un cheque di cinco cien florin pa gastonan na Puerto Rico di CCC,
Un studio foto di Foto Imperial,
Un studio Foto di studio Bonke,
Un orquidea di Floresteria Aruba,

Un corsage di Caribbean Mercantile Bank,
Un camera di NEME,
Un kapstel di Spritzer & Fuhrmann.

E runner-up di Miss Aruba, - (Miss Amstel), srta. Mildred Croes a ricibi lo siguiente:

Un kapstel di CCC,
Un camera di NEME.

E otro candidatanan pa Miss Aruba a ricibi cada uno un kapstel di Spritzer & Fuhrmann y un camera di NEME.

For di Comité Central di Carnaval 1964, e Comité di Carnaval Juvenil cu e anja aki pa di promer biaha a organisa y a participa den Carnaval di hende grandi cu e Clubnan Juvenil a ricibi como un muestra di gratitud y judanza na e bunita trabao di e Comité Juvenil, un cheque di cinco cien florin.

E Reina di Carnaval Juvenil 1964, srta. Yolanda Coutinho a ricibi un holoshi di cadena for di CCC.

E otro candidatanan pa Reina Juvenil 1964 (siete) a ricibi cada uno un camera for di NEME.

E Prins y Pancho di Aruba 1964, srnan. Eugene Lacle y Sybren Bruin cada uno a ricibi un holoshi di CCC y un ticket ida y vuelta pa Colombia di La Esperanza. Tur e otro candidatanan pa Prins y Pancho a ricibi un ticket ida y vuelta pa Colombia di La Esperanza.

E Prins y Pancho juvenil di Aruba di e anja aki, Antonito Erasmus y Jossy Tromp cada uno a ricibi un ticket ida y vuelta di La Esperanza, y alavez un holoshi di CCC.

Miñor grupo di anja cu a tuma parti na parada di Carnaval 1964, esta "The Chinese Flower Sellers" a ricibi 250 florin di CCC. E miñor flota di anja cu a tuma parti na parada di Carnaval 19-

64, esta esun di "Caribe Cacique", a ricibi 250 florin di CCC. E miñor steelband di anja cu tambe a participa den parada di Carnaval, esta "Silver Stars" tambe a ricibi 250 florin, y un trofeo extra.

Fuera di tur e premionan aki obsekla door di casnan comercial, manera Neme Import Export Company, Oduber & Kan, - Spritzer & Fuhrmann, Peral of the Orient, La Esperanza, Aldo Travel Bureau, Caribbean Mercantile Bank, Floresteria Aruba, Bloemenhuis Rozenoord, Foto Imperial, Caribe y Bonke, Comité Central di Carnaval Aruba e anja aki segun e discurso di e presidente di e Comité, señor Milo Croes, mas cu nunca a hanja gran cooperacion di comercio di Aruba en general y e pueblo. E yudanza tabata asina grandi cu probablemente e comité lo sera buki e anja aki cu un surplus di algun mil florin.

Pena di morto na Rusia

MOSCU, 12 Febr. - Ayera a worde informa di fuente generalmente bon na altura na Moscu, cu e lider di un movimentu hopi grandi pa estafa Estado ruso, un tal Shakerman a worde condena na pena di morto. Shakerman parece a adqueri tres millon Roebel cu estafamentu.

Probablemente e tabatin mas di binti complice, cu ainda ta worde husga y contra kendenan den e dianan cu ta bini hues lo duna sentencia.

WELGA NA PERU

LIMA PERU, 13 Febr. - E personal militar ta haci e trabao nan di mas importante den algun postkantor na Lima despues cu ambtenaarnan di coreo a rechaza un ultimatum di gobierno pa sigui traha. Mas o menos 300 empleado den henter Peru, entre kende dos mil na Lima ta inclui ne huelga pa mas sueldo. Ayer anochi sindicatonan tabatin un deliberacion cu e minister di asuntunan interino Hadech.

NOTICIA

La Esperanza kier anuncia na tur shareholdernan cu „La Esperanza,, lo tene su reunion di accionistas diadomingo awor 16 di Februari pa 10 - or di mainta den e edificio di Sociedad Bolivariana na Playa.

La Esperanza ta spera tur su accionistanan bin tende y bin weyta e resultado di nan tienda pa anja 1963.

E Directiva.

Dakota ta sigui invicto

(Di Nos Redactor Deportivo)

Diamars anochi e oncena di Dakota, hungando pa promer biaha den e campeonato actual sin Doc Williams, kende e mes atardi ey a regresa pa Hulanda, a obtene su victoria number seis di e campeonato derrotando San Nicolas Jrs cu anotacion di tres gol pa cero. Poniendo e cuatro empatenan cu nan tabata tin den e promer rond cerca, e dakotencionan tin actualmente total di 16 punto pa encabesa e campeonato. Nan ta e unico equipo cu ta invicto te ainda y faltando cuatro wega mas pa nan hunga, cualnan no

ta contra di e equiponan cu ta ocupando e miñor puestonan.

E derrota aki di tres cero ta e promer cu San Nicolas Jrs ta sufri den e segundo rond y ta di tres den loke tin hunga di e campeonato. Den e promer rond nan a tene e dakotencionan na un empate sin anotacion.

Cu un anotacion di Geo Guerrero, e dakotencionan a tuma ventaha den e promer mitad, cu cual ventaha halftime a bai aden.

Den e segundo tempo e rumanan Nulfo y Tirso Steba a percura pa dos gol mas pa Dakota, lograndi asina e score final di tres pa cero. Cu e triunfo aki e dakotencionan a tuma un stap mas den e direccion di obtene e titulo di campeon di Aruba pa di tres anja consecutivo.

LABAMENTO DI PANJA SIN DOLOR DI CABEZ



gracias na yudanza di

REDDY!

TRAFICO AERO A AUMENTA

Oranjestad, 13 Febr. - Segun un lista publica door di servicio informativo di gobierno e trafico aereo na Aruba a aumentadentur sentido durante e luna di januari e anja aki compara cu e mes un luna anja pasa.

E siguiente lista ta duna un idea di esaki.

Pasaheronan	januari 1963
A drenta	3525
Transito	1047
A sali	3779

Totaal	8351
Pasaheronan	1964
A drenta	3981
Transito	856
A sali	4412

Totaal 9249

E cantidad di aterizahenan durante e anja 1963 tabata 252, mientras cu na 1964 tabata 263.

Esaki ta e viuda di e homber cu ta ser sospecha di a asesina difunto president Kennedy. Na robez sra. Oswald e dia di e asesinato y na drechi e mesun senjora siman pasa ora cu e mester a sali dilanti hues den corte di husticia.



Somalia ta pidi reunion di conseho di seguridad

NEW YORK, 12 Febr. - President Ibrahim Abboed di Soedan awe a robe a haci un peticion riba Ethiopia y Somalia pa stop cu etiamentunan aki. El a laga e dos paisnan aki sa di lo pone e kesion dilanti ministernan dje 30 estadonan Africá motinnan recien li militar nan na Tanganjika, Oeganda y Kenia lo forma e temanan di mas importante dje delibacion.

Somalia ayera a entrega servicio di seguridad di Nacionnan Unid un keho contra Ethiopia den cual e pais aki ta ser acusa di agresion. Nan ta spera cu e conseho o tuma un decision tocante eventual tratamentu dje keho despues cu nan a trata e asunto aki ne conferencia di Estadonan Africano na Das Es Salaam.

E president di e conseho di seguridad li Nacionnan Uni, e Brasileno Bernardes, a muestra e portavoz di Somalia, ora cu el a entrega e peticion, cu ya e organizacion pa union Africano a mende den e conflicto fronterizo entre Somalia y Etiopia. Esaki, segun un portavoz di e president lo nifica cu e conseho di seguridad lo lo por atende e asunto prome cu

qui cinco of seis dia. Gobierno di Somalia a ordena su trupanan pa stop inmediatamente cu tiramentu. Manera anuncia fol algun di a cabadi bringamentunan fronterizo entre unidadnan militar di Somalia y Ethiopia.

Pa di pryme biaha fol siman pasa tabata ayeranchi ketu ne frontera entre Ethiopia y Somalia. E ultimo dos atakenan di Somalianonan a tuma lugar ayera dilanti dos puesto Ethiopes di frontera na Ogade, segun a ser anuncia di fuente Ethiopes.

Investigacion di serum di Naessens

PARIS, 12 Febr. - Cuater especialista di cancer lo investiga e serum di Naessens contra Leukemie, aunque cu ya servicio di salubridad publica frances a condene. Un comerciante Escoces, Daniel Davie, a bisa asina na Paris.

Segun e comerciante Gaston Naessens lo bai Inglaterra e siman aki. Naessens a worde acusa na Paris di a eherce medicina y farmacia ilegalmente. Davie a ofrece Naessens tres mil libra esterlina (mas o menos 15.000 florin) pa anja pa e sigil cu su investigacion na Inglaterra, si e especialistanan duna un decision favorable riba su serum.



PROTESTA ELEGANTE - E mucha muher vietnemesa aki tabata entre hopi mas mes bunita cune qu a protesta na Saigon pa defende un profesor, quende tabata ser acusa di ta pro-Diem.

E CONFERENCIA DI DESARME

GINEBRA, 13 Febr. - Merca a haci un peticion riba Union Sovietica pa acepta un sistema di desarme etapa pa etapa, cu lo mester tuma lugar den tres fase. Merca a haci e peticion na e conferencia di desarme na Ginebra.

E carta aki ta ser manda pa e empleadonan di Lago cu ta miembro di "Union Independiente di Trahadornan Petrolero di Aruba" (IOWUA). Pasobra nos ta kere cu e tipo di representacion di empleadonan cu nos tin na Lago ta di vital importancia pa e comunidad Arubana, nos ta publica e carta aki pa informacion di publico en general.

Estimado empleado di Lago:

Pronto miembronan di Independent Oil Workers Union of Aruba lo worde pidf pa vota tocante un pregunta importante. E pregunta aki ta, cu si Bo ta desea pa Bo, "Union" keda independiente, of si Bo ta desea pa e bira miembro di un grupo internacional di sindicato, cu otro palabra bisá: „afiliacion,,.

Kiko e miembronan di IOWUA scohe ta un decision cu miembronan mes mester tuma. Pero, e scohementu cu lo Bo haci ta un paso di hopi importancia, no solamente pa Compania y tur su trahadornan, pero importante tambe pa Aruba. Nos tur tin interes den e decision aki, y precisamente pa e motibo aki nos ta di opinion cu Bo mester conoce Lago su opinion riba e asunto aki. Nos a expresa e opinion aki den pasado, pero pa no tin ningun clase di duda riba e punto aki, nos kier expresa e opinion ey un bes mas.

Lago su opinion ta, cu ta na interes di tur interesadonan - nos empleadonan, Compania mes y Aruba tambe - pa IOWUA tene den su man su independencia total, sin afiliacion internacional. Lago su opinion ta, cu afiliacion na un grupo extranjero di sindicato lo causa danjo na bienestar di empleadonan di Lago, y tambe na Aruba.

Esnan cu ta spera cu lo Bo vota na favor di afiliacion, por wel bisa cu lo tin mas trabao si IOWUA afilia su mes cu un organizacion internacional di obrero. Pero, si Compania tuma den su empleo mas trahador cu e mester pa pone su planta traha cu eficiencia, esey lo resulta cu compania ta hanjé den un situacion cu no ta saludable, y esey lo amenza e propio existencia di Compania. Y e ora ey ningun di nos empleadonan lo tin seguridad di tene nan trabao.

E refinarianan aki den Antiljas Neerlandes ta diferente di e refinarianan na otro parti di mundo. Nos ta cumpra nos azeta di un otro pais. Nos mester bende nos productonan den henter mundo. Nos ta bende masha poco azeta aki na Aruba. E otro refinarianan ta trata di hanja nos negoshi pa nan mes. Solamente refinando cu mas eficiencia cu nan nos por keda den negoshi indefinidamente. E unico motibo cu nos ta den negoshi ta: pa duna servicio di refinacion eficiente y economico.

Compania, su trahadornan y IOWUA mester ta liber pa solucioná e problema di haci Lago un refinaria cu por traha su productonan por lo menos mes barata cu cualkier otro refinaria.

Tin hopi otro lugar cu kier hanja pa nan mes e trabao di refinacion cu actualmente nos ta haci na Aruba. Permittiendo esnan di pafor di Aruba pa yuda tuma decisionnan pa Bo kizas no tur ora ta den bo mihor interes. Esey por pone trabao di nos tur den peliger.

Y ta pa e motibo ey Lago ta kere cu IOWUA mester keda liber di tur influencia cu ta bini di pafor di Aruba, y sigi ser un sindicato liber y independiente. Ta mihor pa Bo, ta mihor pa Compania, y ta mihor pa Aruba.

Atentamente,
W.A. Murray.

LAGO OIL & TRANSPORT CO., LTD.

E lider di e deliberacion mexicana, William Foster a haci e proposicion aki en conexion cu e mantencion di Union Sovietica

riba su plan original pa for di den prome fase di un pan cu ta consisti di tres fase. destrui

tur armanan.

Foster a declara tambe cu tabata parce, cu Merca y Union Sovietica no ta di acuerdo tocante e cantidad di raket cu e paisnan grandi tin mag di posee durante henter e proceso di desarme.

E delagado mericano a bisa cu aceptacion di e proposicion ruso ta nifica abandono di e sistema di equilibrio. Den e promer fase

lo mester sosode muchu cos huntu e ora ey, asina e delagado mericano a bisa.

Dos show caritativo di artistanan grandi

Oranjestad, 13 Febr. - Parse a dos show caritativo lo worde presenta pronto den Klompen Club di Aruba Caribbean Hotel. Ya ta lagur cu e cantante mericano Liberace, kende mas laat den e unia aki lo actua den e Club menciona lo presenta diasabra nochi 29 di februari den dos show, e promer esun normal, e dos un extra show, di cual suma cu lo worde colecta lo completo pa un doel caritativo na Aruba.

Pa e show ey e entrada lo worde gratis y cada cent cu di e manera ey nos ricibi lo ta pa e benefit. Loke e Casino tin di paga extra pa e actuacion di e artista es ta papia ariba, segun un declaracion di e donjo di Casino Jake Kozloff. Den e otro show pa un doel caritativo, lo actua Harry Bellafonte, segun senyor Kozloff ta spera.

K.L.M. party den Trocadero

Oranjestad, 13 Febr. - Na ocasion di e despedida di senyor Th. Pahud de Mortanges, representante di KLM aki na Aruba introduccion di su sucesor senyor R. Paul y tambe e hefe di estacion di KLM cu ultimamente a tuma su puesto senyor G. Newton, kende alavez lo ta representante local ora cu senyor Paul no ta na Aruba, lo tuma lugar diablerna anochi den Trocadero un party ofreci door di KLM. Algun relacionan di KLM keda invita pa asisit.

Comercio cu paisnan di bloke comunista

TORONTO, 13 Febr. - E promer minister Britanico Sir Alec Douglas Home a rechaza dilanti television Canadiense e punto di bista di Merca tocante sancionnan economico. Gobierno ingles semper tabata di opinion, cu mas gordo un ruso y un chinez ta mas gordo e ta sintiele na su smak, no tin hopi riesgo cu e lo hanja e idea pa comete agresion. Inglaterra semper a apoya sinceramente e politiek pa prohibicion entrega di mercancias strategico ne paisnan comunista, segun Sir Alec. Pero Inglaterra semper a sigi un politiek normal di comercio sigi cu exportacion di mercancias pacifico pa cada pais cu kier cumpra esaki. Algun ora pa dilanti e promer minister britanico a bisa na un conferencia di prensa na Ottawa, cu e lo papia tocante venta busnan ingles na Cuba, ora cu papia na Washington cu president Johnson.

Mathew kier

MAS POLIS PA ARUBA

Den su analisa riba tratamentu di e presupuesto pa 1964 qu gobierno central a entrega pa ser aproba pa Staten, e miembro di PPA, Señor Mathew, e miembra cu enfasis qu awor ta e momento pa expresando francamente su opinion riba e presupuesto, e ta yuda na qu gobierno lo sirbi e pueblo qu a eligiele mihor y a declara qu durante e aña qu a caba tabatin hopi accidentenan cu resultado fatal na Aruba y a expresado su deseo pa Aruba y a leyman qu ta regla ayudo financiero na familiarnan di un fallecido, sei adapta di acuerdo cu e tempnan moderno. E tabata kier a mira un poco mas rapidez emplea den e asunto aki, manera a sosode durante e crisis di sucu qu tabata reina na Antillas, una bes qu e leyman aki tei pa protege e pueblo contra e tragedianan inespera. E tabata dispuesto pa keda contento cu un arreglo temporal den e asunto aki, pero tabata kier pa despues e ser regla definitivamente.

Tambe señor Mathew tabata kier a mira mas diligencia den e asunto di asociacion di Antillas cu EEG, una bes qu e asunto aki en gran parte ta nifica continuacion di e desarrollo economico di Antillas.

Al respecto el a puntra con ta para cu asociacion di Antillas cu EEG y con ta para cu e asunto en relacion cu e promer fase di e plannan di mas aña.

Segun señor Mathew, e hecho qu recientemente un grupo di hobennan antillano a viaha pa Hulanda pa bai traha ta indica e necesidad di emigracion y el a muestra riba e obligacion di gobierno y partidonan politico pa informa pueblo riba e asunto aki. Pa loque ta esaki, el a pi-

di pa investiga si ta existi e posibilidad pa antillanonan emigra pa paisnan den vecindario. Tocante sueldo qu cieoto grupo di religiosonan ta haña serca gobierno, señor Mathew a puntra con ta para cu si otro gruponan qu el a menciona especificamente no ta bin na remarca pa ricibi sueldo serca gobierno.

Quintuples Venezolano a sali di hospital

CARACAS, 13 Febr. - E quintupletsnan venezolano a sali dje hospital di Maracaibo, caminda nan a nace cinco luna pasa. E yunan cu ta sufrí di geelzucht, sin embargo te ainda mester di cuído special di docter.

Na Merca actualmente nan ta trahando duru na e proyecto Gemini cu ta trata lansamentu di un satelite di espacio pa dos persona. Riba e portret aki por mira un capsula Mercury cu cual typo nan a hasi poco vuelo exitoso caba. Banda di dje un capsula mas grandi di e typo Gemini den cual dos astronauta por drenta.



Conferencia di Pan Am na Antillas

Dia 17 y 18 proximo lo tin un reunion, na cual lo asisti Latin American Division Manager di Pan American, Sr. W. Raven y Sres. M. Martinez, Passenger Traffic & Sales Manager; J. Homs Jr., Sales Manager y tambe District Managers entre otro di San Juan, New York, Miami, Colombia, Panama, etc.

E fin di e reunion aki ta pa ademas di conferencia riba asunto general riba tereno di tarifanan y itinerarionan dentro di e Latin American Division, tambe a studia e aspectonan di desarrollo turistico di Antillas Neerlandes.

Cu e delaster desarollonan -- ei relaciona cu ponementu di Aruba riba itinerario di Pan American y introduccion di tarifanan especial, un blaha mas e posicon di Antillas Neerlandes den e actividadnan general di propaganda y venta lo mester ser studí.

Agentenan General di Pan American, firma Maduro & Sons, N.V., lo tuma cargo di muestra e grupo di Pan American riba tur e aspectonan importante di e desarrollo di nos islanan, riba tereno di hotelnan, tour-operation deporte aquatico, shopping etc.



AWOR MAS ECONOMICO!

SOPA **Continental**
de Pollo y Fideos



AWOR

2

 PAKI
Den Cada
Cahita


MAS ECONOMICO!
MAS CONVENIENTE!

Aruba Trading Company

Esaki ta e cuater capitannan di e barcunan di pisca Cubano cu a worde detene den awan teritorial di Merca siman pasa. Cuba a corta e awa di e base Guantanamo como represalia contra e detencion di e piscador nan aki.

PRINCESA SUECA PA HULANDA

DEN HAAG, 12 Febr. - Lo inaugura exposicion di obranan dje escultornan sueco, cu lo ser tene di 15 te 7 di agosto na Madurodam, princesa Brigitta o Princesa Margaretha di Suecia. E exposicion lo ser tene den cuadro dje Holland Festival y ta organisa en cooperacion cu e asociacion sueco di artistanan y e instituto sueco pa intercambio cultural.



Staten di Antillas a aproba presupuesto '64

Ayera nochi mas o menos dies or presupuesto 1964 pa Antillas Neerlandes a ser aprobá pa Staten di Antillas Neerlandes, sin mayor obheccionnan pa parti di e fraccionnan mayoritaria y di oposicion den Staten.

Presupuesto di Antillas Neerlandes pa 1964 a serra cu un saldo favorable di 161.131 florin, despues qu durante tratamiento di e capitulon separá di e presupuesto, minister C.D. Kroon a hinka un post pa construccion di un pabellon pa hende muher y mucha na e institucion psiquiatrico na Rustoord.

Tratamentu di e presupuesto bien por ser bisá tabata caracterisá pa e yamamentunan pa cooperacion qu a ser expresá pa representantenan di tur e fraccionnan den Staten, mientras cu tambe a keda claramente resaltá qu Staten ta desea di mira qu lo bini un cambio den e situacion financiera di territorio insular di Corsow, mediante reduccion di gastunan of aumento di entrada, of un combinacion di ambos, pero esaki ta naturalmente un asunto qu ta toca Bestuurscollege.

Minister di Finanzas, E. Petronia, den su exposicion tocante e situacion financiera di Antillas a muestra cu e presupuesto 1964 no ta causa preocupacion y e proyectonan qu a ser ehecutá den reciente añanan pa pone Islanan Arriba y Bonaire den direccion di desarrollo economico tabata exitos.

Sin embargo e mester a muestra cu por mira un diferencia grandi den e sector financiera entre Aruba y Corsow, ya cu na Aruba cos ta balendo mihor mas y mas y na Corsow ta net contrario. El a avisá qu no por hunga cu interes di pueblo sin haña castigo merecido na su debido tempu.

Pa loque ta e promer fase di e plan di mas aña, minister Petronia a declara cu gobiernocentral a suplicae islanan pa entrega un lista cu e proyectonan qu tin prioridad y esaki a sosode siman pasá. E siman aki gobiernocentral lo pasa e proyectonan pa Hulanda y ta spera un decision mas pronto posibel tocante e aprobacion.

Minister Kroon a muestra cu e problema di desempleo ta ainda un punto di gran preocupacion pa gobiernocentral, no obstante tur e esfuersonan cu gobiernocentral a hasi pa atrae industria. Al respecto el a declara qu e posibilidad di emigracion ta ser seriamente investigá

ya expresa su aprecio pa e cooperacion qu el a ricibi di Staten encuan to mandamentu die hobenan antillano pa bai traha na Hulanda.

Gobierno ta vigilando e situacion di tranquilidad obreril na Aruba y lo hasi tur loque ta posibel pa mantene e tranquilidad aki.

El a muestra cu durante un periodo igual e nivel di prijs a subi na Hulanda cu 14% mientras cu na Antillas e aumento tabata solamente 6%. Na Aruba e costo di bida ta mas haltu qu na Corsow y gobiernocentral lo investiga e durante e reunion di ayera cu e no ta comprende con e miembro De Boer (NVP) por acusa gobiernocentral di ta contra Bestuurscollege. Su splicacion di antayera nochi riba e asunto aki tabata tur claro qu tin. Ellandenregeling ta regla henter e asunto di belasting y gobiernocentral no tin nada contra pa papia cu BC tocante ayudo financiero, pero BC mester muestra di ta dispuesto na hiba un gobernacion financiero sano y ora nan demostrea di ta dispuesto di hasi esaki, gobiernocentral lo busca manera di yuda nan.

cos aki y tuma medida pa re-media esaki.

Min. Kroon a muestra cu varios proyecto pa expande e base economico di Antillas, mediante publicidad den estranheria, ta den un fase hopi avansá, y el a inicia qu preparacionnan ta ser hasi pa laga Antillas participa na e feria anual di Utrecht.

Tocante e injusticia social qu Sr. Braam a señala na un compania local y e discriminacion qu ta ser emplea pa Shell Curacao, clasificando antillanonan - entre antillano di pura sanger y antillano di segunda categoria Min. Kroon a priminti di investiga e cos aki.

Minister President E. Jonckheer a muestra den su exposicion

This letter is being sent to Lago employees who are members of the Independent Oil Workers Union of Aruba (IOWUA). Because we believe the kind of union we have at Lago is vitally important to the Aruba community, we are publishing this letter for the information of the general public.

Dear Lago Employee:

Soon members of the Independent Oil Workers Union of Aruba will be asked to vote on an important question. The question will be whether you want your Union to remain independent, or whether you want it to join an international group of unions, that is, to be „affiliated„.

It is a choice that IOWUA members must make for themselves. The choice you will make, however, is one of great importance not only for the Company and all of its employees, but for Aruba as well. We all have a stake in the decision, and because of this we feel you should know Lago's opinion on the subject. We have stated this opinion before, but so there can be no doubt we wish to state it again.

Lago believes it is in the best interests of all concerned - our employees, the Company and Aruba - that the IOWUA remain fully independent, without international affiliations. Lago believes that joining an outside group of unions will be harmful to the welfare of Lago employees and to Aruba itself.

Those who are hoping you will vote for affiliation may claim that there will be more jobs if the IOWUA affiliates with an international labor organization. But if the Company did employ more people than it needs to operate in an efficient manner, this would make the Company unhealthy and place its very existence in danger. Then none of our employees would have job security.

The refineries here in the Netherlands Antilles are different from other big refineries in the world. We get our oil from another country. We must sell what we make all over the world. Very little oil is sold here. These other refineries are trying to get our business. It is only by refining more efficiently than our competitors that we can remain in business indefinitely. The only reason for our being in business is to provide an efficient and economical refining service.

The Company, the workers and the IOWUA must be free to work out the problem of making Lago a refinery that can make products at least as cheap as any other refinery.

There are many other places that would like to take over the refining work which is now done in Aruba. Permitting outsiders to help make your decisions may not always be in your best interest. This could put in danger the jobs of all of us. It is for these reasons Lago believes the IOWUA should be free from outside influence and continue to be a free and independent union. It is better for you, better for the Company and better for Aruba.

Very truly yours,
W.A. Murray

LAGO OIL & TRANSPORT CO., LTD.

VICTIMANAN DI CARNAVAL

CARACAS, 13 Febr. - Na Venezuela a muri como consecuencia di celebracion di carnaval diadomingo pasa 4 persona y tres cien ta herida. Dos cien arrestacion a ser haci.

Anti-Castristanan

KEY WEST FLORIDA, 13 Febr. - Guarda costa mericano a confiscar un bapor di 15 meter largu den cual tabatin 16 desterrado cubano bon arma cu tabata prepara pa un atake na Cuba pa destrui un instalacion militar. E baporcito "arroyo", a ser confiscado den awanan territorial di Merca y hiba pa Key West, caminda tripulacion dje cohete a ser interoga.

E ballet nacional di Hulanda a regresa Amsterdam despues di un gira na Polonia caminda nan a actua den Polski Teatro na Warshau. Aki nos ta mira e grupo na nan jegada.



Proyecto di ley riba derechon civil aproba

WASHINGTON, 12 Febr. E camara mericano di delegadonan a aproba un proyecto di ley, caminda e gobierno ta hanja volmacht extenso pa combati descriminacion rasi na Merca.

E proyecto di ley actualmente ta sali pa senado, caminda e lo hanja sin duda oposicion cerca hopi senador dje estadonan sur.

E tratamentu den senado probablemente lo cuminsa fin dje luna aki. E proyecto di ley, cu ta ser considera como esun di mas importante riba terreno di derechon civil na Merca ta contene entre otro, cu un comision lo wordu forma cu mester investiga kehonan tocante descriminacion na buscamento di forzanan pa trabao. Si e proyecto di ley bira un ley, e mericano di colo lo hanja mas libertad pa escohe lugarnan pa keda drumi y come, cu nan ta desea, ora cu nan ta viaha den estadonan caminda te ainda e limitacion ta valido. E proyecto di ley ta contene tambe stipulacionnan en bista di derecho di votacion y ta duna president autorisacion di no duna estadonan placanan federal.

Ta trata di estadonan cu no kier trata mericanonan di colo riba base di igualdad.

PA: Viool, Mandolin, cancionero y tarjeta postal di artistanan mejicano acudi na:
„NICOLAAS STORE,,
Tel. 5385 - San Nicolas.

E DESASTER CU

“VOYAGER”

SYDNEY, 12 Febr. - Avionnan dje servicio di averiguacion y rescate y bapornan te ainda ta busca den laman Tasman pe 83 miembronan di tripulacion dje cazatorpedero di Australia "Voyager" cu a sink despues di a dal cu e portavion di Australia "Melbourne", cu ta perdi. Tsbatin un tripulacion di 324 persona. Un granpartidje miembronan di tripulacion tabata serra den e parti dilanti dje bapor, cu a sink den laman cu un profundidad di 150 meter.

Di fuente di marina di Australia a ser bisa, cu e laman ta demasiado hundu pa equipo di bushi, cual nan ta dispone na Australia. Prome minister Sir Robert Menzies di Australia a declara di no ta considera e investigacion di marina pe desastre aki suficiente. Nan lo mester haci tambe un investigacion publico completo, cu mester ta conduci pa un juez.

E minister Australiaco di marina Dr. James Forbes, abisa na Canberra, na periodistanan cu e cazatorpedero tabata sirbi como bapor di rescate pa duna ayudo ne tripulacion di avionnan cu cai den laman durante opetacionnan di start y aterizaje riba "Belbourne". E dalmentu a tuma lugar durante cambio di posicion di bapornan. E desastre di "Voyager", tesun di mas grandi den historia di marina di Australia den tempu di paz.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ

Pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACEY

